

九月十七日（册十五，葉八十六下）

看郭筠仙瀛海論，大略亦可取，而言外推重洋法。又引乾隆四十一年十一月諭旨以爲千古治洋務之準則。言各有當，而比而同之，未愜於中也。

十二月十三日（册十五，葉一百十下）

南洋大臣請撥餉二百萬購旗昌洋行（共四百四十餘萬，內有華商本二百萬）已得諭旨矣。昨見朱其昂等稟，力言此事北洋據以咨部也。擬將海運全數交旗昌輪船（凡十六隻）並以江北糧全改海運。嘻，異哉！

光緒三年七月廿四日（册十六，葉五十五下）

招商局總辦徐觀察（號雨之，名潤，廣東人，久買而官與唐鏡心一流）來見，極言旗昌歸併後與太古行爭客貨之贏縮，恐爲太古所侵，議和未決。

十月初七日（册十六，葉八十三下）

徐雨之、陳茂南同來，遂同坐馬車至招商南棧，（原設之棧也，棧房廿五處，佔地極大）看機器，真鬼工也。所用皆閩浙人，亦有無錫人。至馬頭看洋水龍（每架三千六百兩用煤機器極高）遂入海定船。此船長廿四丈，兩層。雨之勸余坐此船，晤船主古孩兒談，據云由西法推之，定無風暴，擬不泊煙台，徑赴大沽也。……歸赴徐雨之花園，園小而曲折，然樓閣几案皆有夷氣。……在徐氏園望見火輪車由鐵路行極迅也。……計今日所見，皆可詫事。

光緒四年八月廿七日（册十七，葉五十三下）